



Vaksdal kommune

Sekretariat for kontrollutvalet

Til Kommunestyret

Vår sakshandsamar: Kari Marie Nygard

Dykkar ref.:
Vår ref: 2017/28
Vår dato: 16.05.2019

Partsbrev vedr. Årsrekneskap og årsmelding 2018 for Vaksdal Kommunale Arbeids- og Opplæringscenter KF - Uttale frå kontrollutvalet

Vedlagt følger partsbrev som viser kontrollutvalet sin uttale til årsrekneskap og årsmelding frå Vaksdal kommunale AO-senter KF. Ber om at partsbrev med uttale følgjer saka via formannskapet til kommunestyret.

Med helsing

Hogne Haktorson
kontrollsjef

Kari Marie Nygard
seniorrådgjevar

Dokumentet er elektronisk godkjent og har derfor ikkje underskrift.

Kopi til:
Ordførar
Rådmann
Vaksdal arbeids- og opplæringscenter KF
Deloitte
Utvallsleiar

Arkivsak: 216
 Arkivnr: 2017/28-72
 Sakshandsamar: Kari Marie Nygard

Saksframlegg

Saksgang

Utval	Saknr.	Møtedato
Kontrollutvalet i Vaksdal kommune	27/19	15.05.2019

Årsrekneskap og årsmelding 2018 for Vaksdal Kommunale Arbeids- og Opplæringssenter KF - Uttale frå kontrollutvalet

Bakgrunn

Kontrollutvalet er etter "Forskrift om årsbudsjett, årsregnskap og årsberetning for kommunale og fylkeskommunale foretak "ikkje pliktig til å gje uttale til denne rekneskapen slik som for kommunerekneskapen, jf. "Forskrift om årsregnskap og årsberetning". I kommunane som sekretariatet dekkar, er det likevel lagt opp til at desse rekneskapa også vert handsama i kontrollutvalet, på lik linje med kommunerekneskapen. Det er heller ikkje krav om at kontrollutvalet handsamar årsmeldinga, men denne skal følgja som saksopplysning til saka. Det skal merkast om det er vesentlege avvik mellom årsmeldinga og rekneskapen.

Det er så formannskapet som innstiller overfor kommunestyret, i saka om rekneskapen. Kommunestyret skal handsama både årsrekneskap og årsmelding i same møte. Dette følgjer av kommunelova §48, jf. "Forskrift om årsregnskap og årsberetning" §10.

Årsrekneskapen for Vaksdal kommunale arbeids- og opplæringssenter KF er å sjå på som ein del av årsrekneskapen for Vaksdal kommune. Rekneskapen bør difor handsamast før kommunerekneskapen vert handsama, men gjerne i same møte.

Drøfting


Årsrekneskapen er lagt fram av styret i Vaksdal kommunale arbeids- og opplæringssenter KF, og inneheld driftsrekneskap, investeringsrekneskap, balanserekneskap, og noteopplysningar. I tillegg har styret levert årsmelding.

Deloitte har gjennom revisjonsmeldinga dagsett 28.03.2019 gjeve sin uttale om den økonomiske situasjonen for Vaksdal kommunale arbeids- og opplæringssenter KF. Sekretariatet har merka seg at det i revisjonsmeldinga er medteke at det for rekneskapsåret syner eit netto driftsresultat på kr. 243.117, og eit rekneskapsmessig mindreforbruk på kr. 243.117. Det kjem ikkje fram spesielle forhold som blir omtala i revisjonsmeldinga, og den vert å sjå på som "ei rein" revisjonsmelding. Vi har forøvrig merka oss at revisjonsmeldinga ikkje er skrive på nynorsk. Det same var også tilfelle i 2018.

Av rekneskapen for 2018 har sekretariatet merka seg sum driftsinntekter på kr. 4.486.187, og positivt netto driftsresultat på kr. 243.117. Det gjev eit driftsresultat på 5,42 % (Sett opp mot sum driftsinntekter). Heile kommunesektoren hadde i følgje opplysningar frå SSB til samanlikning netto resultatgrad på 2,5 prosent i 2018. Teknisk beregningsutvalg for kommunal og fylkeskommunal økonomi (TBU) tilrår at ein over tid bør ha netto resultatgrad på 1,75 prosent for å ha ei forsvarleg økonomisk drift. For Vaksdal

kommunale arbeids- og opplæringsssenter KF var netto resultatgrad i 2014 (+ 1,29 %), 2015 (+ 1,65 %), 2016 (+ 4,53 %), i 2017 (+ 10,26 %) og i 2018 (+ 5,42 %). Vi ser av dette at Vaksdal kommunale arbeids- og opplæringsssenter KF i 2018 ligg over både resultatet i heile kommunesektoren og tilrådinga til TBU.

Sjølvsagt om desse måltal gjeld kommunar totalt sett, skadar det ikkje å skua til måltal også for eit kommunalt føretak.



Netto driftsresultat viser kva ein har att etter at alle driftsutgifter, inklusive renter og avdrag er dekket. Driftsresultatet påverkar i stor grad handlefridom og evne til å tåle svingingar i økonomien.

Sekretariatet merkar seg at tilsendt årsrekneskap 2018, som vanleg har ein kolonne i rekneskaps-skjemaene med «rekneskap i fjor», men at det står kroner 0,- på alle postar. Det er ønskeleg at fjorårstalet også er med i framtidige rekneskapar.

Sekretariatet merkar seg m.a. følgjande frå styret si årsmelding når det gjeld satsingar framover:

«Dagsenter for utviklingshemma i Vaksdal kommune er lokalisert saman med AO senteret KF. Framover ser det ut som at ein har behov for fleire dagsenterplassar fordi fleire av dei tilsette har høg alder og får eit større hjelpebehov, nokon nærmar seg pensjonsalder, som gjer at dei misser retten til VTA plass. Det er og fleire unge som snart er ferdig med skule og har behov for eit tilbod, enten VTA eller dagsenter. Det er visse utfordringar med samdrift mellom dagsenter og arbeidsdrift VTA. Brukarar på dagsenter har større behov for skjerming og rolegare lokale enn det ein får på ein arbeidsplass. Saka vart oversendt til rådmann og kommunalsjef i 2014. AO senteret KF har i 2018 jobba vidare med saka i samarbeid med Vaksdal kommune, men ikkje komen til noko løysing for oppretting av nytt dagsenter. I 2019 vil AO senteret KF jobba vidare med saka i samarbeid med Vaksdal kommune.»

Kontrollutvalet har som oppgåve å gje uttale til Vaksdal kommunale arbeids- og opplæringsssenter sin årsrekneskap. Uttalen vert gjeve med bakgrunn i framlagd årsrekneskap og årsmelding frå styret og revisjonsmelding frå Deloitte. Kontrollutvalet tek sjølv stilling til kva forhold som skal omtalast i uttalen. Det vil vera naturleg å ta med spesielle forhold som blir omtala i revisjonsmeldinga og eventuelle revisjonsrapportar og nummererte brev. Uttalen skal sendast til kommunestyret, med kopi til formannskapet.

Konklusjon

Det vert tilrådd at kontrollutvalet denne gongen omtaler følgjande i uttalen om Vaksdal kommunale arbeids- og opplæringssenter KF sin årsrekneskap for 2018:

- Rekneskapsmessig mindreforbruk på kr. 243.117.
- Netto driftsresultat på + 5,42 %

Kontrollutvalet sin uttale og revisjonsmeldinga er to sjølvstendige dokument, som følgjer saka vidare via formannskapet til kommunestyret.

Forslag til uttale:

1. Kontrollutvalet registrerer at Vaksdal kommunale arbeids- og opplæringssenter KF i 2018 hadde eit rekneskapsmessig mindreforbruk på kr. 243.117 og eit netto driftsresultat på + 5,42 %, noko som er over både resultatet i heile kommunesektoren og tilrådinga til TBU..
2. Kontrollutvalet støttar seg elles til Deloitte sin uttale om den økonomiske situasjonen for Vaksdal kommunale arbeids- og opplæringssenter KF for året 2018, og har ikkje øvrige merknader til denne.
3. Uttalen vert send til kommunestyret via formannskapet.

Saksprotokoll i kontrollutvalet - 15.05.2019

Handsaming i møtet:

Styreleiar Anita Sævilid presenterte Vaksdal AO-senter og informerte om drifta og arbeidsområda som bedrifta driv med. Rekneskapen og årsmelding blei kort presentert. Dagleg leiar Bruno Giusti supplerte og med opplysningar. Kontrollutvalet kom med kommentarar og stilte spørsmål som blei svara på. Silje Fossdal presenterte kort revisjonsmeldinga. Forslag til uttale blei samrøystes vedteke.

Uttale:

1. Kontrollutvalet registrerer at Vaksdal kommunale arbeids- og opplæringssenter KF i 2018 hadde eit rekneskapsmessig mindreforbruk på kr. 243.117 og eit netto driftsresultat på + 5,42 %, noko som er over både resultatet i heile kommunesektoren og tilrådinga til TBU..
2. Kontrollutvalet støttar seg elles til Deloitte sin uttale om den økonomiske situasjonen for Vaksdal kommunale arbeids- og opplæringssenter KF for året 2018, og har ikkje øvrige merknader til denne.
3. Uttalen vert send til kommunestyret via formannskapet.

Hogne Haktorson
kontrollsjef

Kari Marie Nygard
seniorrådgjevar

Dokumentet er elektronisk godkjent og har derfor ikkje underskrift.

Vedlegg:

- Årsrekneskap 2018 for Vaksdal kommunale arbeids- og opplæringssenter KF
- Årsmelding 2018 for Vaksdal kommunale arbeids- og opplæringssenter KF
- Revisjonsberetning 2018 for AO-senteret